

গঠনতন্ত্র



আহলেহাদীছ আন্দোলন বাংলাদেশ



গঠনতন্ত্র

আহলেহাদীছ আন্দোলন বাংলাদেশ

গঠনতন্ত্র

আহলেহাদীছ আন্দোলন বাংলাদেশ

প্রকাশক

কেন্দ্রীয় কমিটি

আহলেহাদীছ আন্দোলন বাংলাদেশ

কেন্দ্রীয় কার্যালয়

দারুল ইমারত আহলেহাদীছ

নওদাপাড়া (আমচত্বর), পোঃ সপুরা, রাজশাহী।

دستور العمل لأهل حديث أندولون بنغلاديش

(جمعية تحريك أهل الحديث بنغلاديش)

الناشر : المجلس المركزي للجمعية

المقر الرئيسي : دار الإمارة لأهل الحديث

نودابارا، راجশাহী، بنغلادিশ

প্রকাশকাল সমূহ

সেপ্টেম্বর ১৯৯৫, ১৯৯৯, ২০১০, ২০১৫, ২০১৭

কম্পোজ

হাদীছ ফাউণ্ডেশন কম্পিউটার্স

নওদাপাড়া, রাজশাহী।

মুদ্রণে

হাদীছ ফাউণ্ডেশন প্রেস, রাজশাহী।

নির্ধারিত মূল্য

১৫ (পনের) টাকা মাত্র।

GATHANTANTRA (Constitution) : Published by the Central Committee of **AHLE HADEETH ANDOLON BANGLADESH**. Head Office : Darul Imarat Ahle Hadeeth, Nawdapara, P.O. Sapura, Rajshahi. Ph. 0721-760525. Mob : 01711-578057. E-mail : ahlehadeethandolon@gmail.com. Web : www.ahlehadeethbd.org.

بِسْمِ اللَّهِ الرَّحْمَنِ الرَّحِيمِ

১ম সংক্রান্তের

ভূমিকা

(مقدمة الطبعة الأولى)

নাহ্মাদুহু ওয়া নুছাল্লী ‘আলা রাসুলিহিল কারীম। আম্মা বা’দ-

আহলেহাদীছ আন্দোলনের প্রকৃত লক্ষ্য অর্জনের মহান উদ্দেশ্য নিয়ে ১৯৯৪ সালের ২২ ও ২৩শে সেপ্টেম্বর রোজ বৃহস্পতি ও শুক্রবার রাজশাহী মহানগরীর নওদাপাড়া আল-মারকায়ুল ইসলামী আস-সালাফী জামে মসজিদে অনুষ্ঠিত ‘বাংলাদেশ আহলেহাদীছ যুবসংঘে’র কেন্দ্রীয় উপদেষ্টা ও সুধী পরিষদ সম্মেলনে গৃহীত সর্বসম্মত সিদ্ধান্ত মোতাবেক ২৩শে সেপ্টেম্বর’৯৪ শুক্রবার ‘আহলেহাদীছ আন্দোলন বাংলাদেশ’ প্রতিষ্ঠা লাভ করে। সেখানে পাঁচ সদস্য বিশিষ্ট একটি গঠনতন্ত্র প্রণয়ন সাব-কমিটি গঠন করা হয়। অতঃপর তুরা আগষ্ট ’৯৫ বৃহস্পতিবার বাদ মাগরিব রাজশাহীতে অনুষ্ঠিত ‘আন্দোলন’-এর কেন্দ্রীয় শূরা সম্মেলনে পেশকৃত খসড়া গঠনতন্ত্র দীর্ঘ পর্যালোচনার পর গৃহীত ও অনুমোদিত হয়।

বিগত ২৯শে জুলাই’৯৪ শুক্রবার বাদ জুম‘আ কুরআন পরিবর্তনের দাবীদার জনেকা নামধারী মুসলিম লেখিকা ও তার দোসরদের বিরুদ্ধে ‘সম্মিলিত সংগ্রাম পরিষদ’ আহুত লংমার্চ শেষে ঢাকার মানিক মিয়া এভেনিউয়ে অনুষ্ঠিত মহাসমাবেশে সংগঠনের মুহতারাম আমীর রাজশাহী বিশ্ববিদ্যালয়ের আরবী বিভাগের (তৎকালীন) সহযোগী অধ্যাপক ড. মুহাম্মাদ আসাদুল্লাহ আল-গালিব-এর ঐতিহাসিক ঘোষণা ও উপস্থিত অন্যন বিশ লক্ষাধিক জনতার মুহূর্মুহু শোগান ও সমর্থনে ধন্য ‘সকল বিধান বাতিল কর, অহি-র বিধান কায়েম কর’-এই লক্ষ্য জীবনের সর্বক্ষেত্রে বাস্তবায়নের দৃঢ় অঙ্গীকার নিয়ে

‘আহলেহাদীছ আন্দোলন বাংলাদেশ’ তার পদযাত্রা শুরু করে। এই সংগঠন ও তার অনুসারীগণ স্ব স্ব ধর্মীয় ও বৈষয়িক জীবন নির্ভেজাল তাওহীদের আলোকে পবিত্র কুরআন ও ছহীহ হাদীছ অনুযায়ী পরিচালনা করতে অঙ্গীকারাবদ্ধ এবং এর মাধ্যমেই তারা আল্লাহর সন্তুষ্টি কামনা করেন। আহলেহাদীছ আন্দোলনের উপরোক্ত লক্ষ্য অর্জন ও উদ্দেশ্য বাস্তবায়নের জন্য নেতৃত্বের যোগ্যতাসম্পন্ন দায়িত্বশীল ও নিবেদিতপ্রাণ একদল মুমিনের একটি জামা ‘আত গঠনের উদ্দেশ্যে কুরআন ও সুন্নাহর আলোকে অত্র গঠনতত্ত্ব রচিত হয়েছে।

অত্র গঠনতত্ত্বের বৈশিষ্ট্যসমূহ নিম্নরূপ :

- (১) পবিত্র কুরআন ও ছহীহ হাদীছে বর্ণিত ‘ইমারত ও বায়‘আত’-এর ভিত্তিতে জামা‘আত গঠন।
- (২) ধর্মীয় ও বৈষয়িক জীবন পবিত্র কুরআন ও ছহীহ সুন্নাহর আলোকে চেলে সাজাবার পথ প্রদর্শন।
- (৩) আল্লাহভীর ও যোগ্য ব্যক্তিদের মাধ্যমে সংগঠনের সকল স্তরে ইসলামী শূরা পদ্ধতির অনুসরণ।

আমরা ঘরে-বাইরে সর্বত্র তাওহীদের পূর্ণ বিকাশ দেখতে চাই এবং তার মাধ্যমে বাংলাদেশের জনগণ ইহকালে ও পরকালে প্রকৃত কল্যাণ লাভে ধন্য হোক- এটাই আল্লাহর নিকটে আমরা একান্তভাবে কামনা করি। আল্লাহ আমাদের সহায় হোন- আমীন!

নিবেদনে

কেন্দ্রীয় কমিটি

আহলেহাদীছ আন্দোলন বাংলাদেশ

الحمد لله وحده والصلوة والسلام على من لا نبيّ بعده وعلى آله وصحبه
ومن تبعهم بإحسان إلى يوم الدين وبعد

প্রথম অধ্যায়

ধারা-১ : এই সংগঠনের নাম

আহলেহাদীছ আন্দোলন বাংলাদেশ

ধারা-২ : কার্যালয় ও মনোগ্রাম

(ক) কার্যালয় : আহলেহাদীছ আন্দোলন বাংলাদেশ-এর প্রধান কার্যালয় বর্তমানে রাজশাহীতে থাকবে। তবে আন্দোলনের বৃহত্তর স্বার্থে মজলিসে শুরার পরামর্শক্রমে প্রধান কার্যালয় দেশের অন্যত্র স্থানান্তর করা যাবে। কেন্দ্রীয় কার্যালয় ‘দারুণ ইমারত আহলেহাদীছ’ নামে অভিহিত হবে।

(খ) মনোগ্রাম

সংগঠনের একটি মনোগ্রাম থাকবে (ছহীহুল জামে' হা/২৩০৮)। যার পরিচিতি নিম্নরূপ :

(ক) পাঁচটি কোণ দ্বারা ইসলামের পাঁচটি স্তম্ভ বুরানো হয়েছে। (খ) মধ্যের উপরিভাগে ‘কালেমা শাহাদাত’-এর প্রচলিত মূল অংশ দ্বারা তাওহীদ ও রিসালাতের সর্বোচ্চ অগ্রাধিকার বুরানো হয়েছে। (গ) মধ্যের চাঁদতারা দ্বারা ইসলামী নিশান বুরানো হয়েছে। (ঘ) ত্রিকোণবেষ্টিত সূরা ইউসুফ ১০৮ আয়াতাংশ দ্বারা ‘জাহাত জ্ঞান সহকারে আল্লাহর পথে সংঘবন্ধভাবে দাওয়াত ও জিহাদ’-এর কথা বুরানো হয়েছে। (ঙ) উপরের তিন দিকে ডবল রেখার বেষ্টনী দ্বারা সাংগঠনিক ম্যবূতী বুরানো হয়েছে।

ধারা- ৩ : আকৃতি

(১) তাওহীদ প্রতিষ্ঠা করা। অর্থাৎ জীবনের সর্বক্ষেত্রে আল্লাহর দাসত্ব করা (যারিয়াত ৫১/৫৬)। আল্লাহর সত্তা ও গুণাবলীর সাথে কাউকে শরীক না করা এবং কোনকিছুকে তাঁর তুলনীয় মনে না করা’ (নিসা ৪/৪৮; শুরা ৪২/১১)।

- (২) শেষনবী মুহাম্মদ (ছাল্লাহু আলাইহে ওয়া সাল্লাম)-এর আনুগত্য করা (নিসা ৪/৬৫)। অর্থাৎ পবিত্র কুরআন ও ছহীহ হাদীছ এবং সালাফে ছালেহীনের বুঝ অনুযায়ী ছিরাতে মুস্তাফ্তি মের অনুসারী হওয়া।
- (৩) আমীরের আনুগত্য করা (নিসা ৪/৫৯)। অর্থাৎ আল্লাহর কিতাব অনুযায়ী পরিচালনাকারী আমীরের নেতৃত্বে জামা ‘আতবদ্ধ জীবন যাপন করা’ (মুসলিম হা/১২৯৮; ছহীহ হা/৮৬৭)।

ধারা-৪ : লক্ষ্য ও উদ্দেশ্য

নির্ভেজাল তাওহীদের প্রচার ও প্রতিষ্ঠা এবং জীবনের সর্বক্ষেত্রে কিতাব ও সুন্নাতের যথাযথ অনুসরণের মাধ্যমে আল্লাহর সন্তুষ্টি অর্জন করা। আকৃতা ও আমলের সংশোধনের মাধ্যমে সমাজের সার্বিক সংক্ষার সাধন আহলেহাদীছ আন্দোলনের সামাজিক ও রাজনৈতিক লক্ষ্য।

ধারা-৫ : মূলনীতি : পাঁচটি-

- (১) কিতাব ও সুন্নাতের সার্বভৌম অধিকার প্রতিষ্ঠা : এর অর্থ- পবিত্র কুরআন ও ছহীহ হাদীছে বর্ণিত আদেশ-নিষেধকে সর্বোচ্চ অগাধিকার দেওয়া। তাকে নিঃশর্তভাবে ও বিনা দ্বিধায় কবুল করে নেওয়া ও সে আনুযায়ী আমল করা।
- (২) তাকুলীদে শাখছী বা অন্ধ ব্যক্তিপূজার অপনোদন : তাকুলীদ অর্থ- শারঙ্গ বিষয়ে বিনা দলীলে কারো কোন কথা চোখ বুঁজে মেনে নেওয়া। তাকুলীদ দু’প্রকারে- জাতীয় তাকুলীদ ও বিজাতীয় তাকুলীদ। জাতীয় তাকুলীদ বলতে ধর্মের নামে মুসলিম সমাজে প্রচলিত বিভিন্ন মাযহাব ও তরীক্তার অন্ধ অনুসরণ বুঝায়। আর বিজাতীয় তাকুলীদ বলতে বৈষয়িক ব্যাপারের নামে সমাজে প্রচলিত পুঁজিবাদ, সমাজতত্ত্ব, গণতত্ত্ব, জাতীয়তাবাদ, ধর্মনিরপেক্ষতাবাদ প্রভৃতি বিজাতীয় মতবাদের অন্ধ অনুসরণ বুঝায়।
- (৩) ইজতিহাদ বা শরী‘আত গবেষণার দুয়ার উন্মুক্তকরণ : ‘ইজতিহাদ’ অর্থ- পবিত্র কুরআন ও ছহীহ সুন্নাহর আলোকে যুগ-জিজ্ঞাসার জওয়াব দানের সর্বাত্মক প্রচেষ্টা চালানো। এই অধিকার ক্ষিয়ামত পর্যন্ত সকল যুগের সকল হাদীছপন্থী যোগ্য ও মুস্তাফ্তি আলেমের জন্য খোলা রাখা।

(৪) সকল সমস্যায় ইসলামকেই একমাত্র সমাধান হিসাবে পরিগ্রহণ : এর অর্থ- ধর্মীয় ও বৈষয়িক জীবনের সকল সমস্যায় ইসলামকেই একমাত্র সমাধান হিসাবে গ্রহণ করা।

(৫) মুসলিম সংহতি দৃঢ়করণ : এর অর্থ- পবিত্র কুরআন ও ছহীহ হাদীছের আদেশ-নিষেধকে নিঃশর্তভাবে মেনে নেওয়ার ভিত্তিতে মুসলিম ঐক্য গড়ে তোলা এবং মুসলিম উম্মাহর সার্বিক স্বার্থকে অগ্রাধিকার দেওয়া।

উপরোক্ত লক্ষ্য, উদ্দেশ্য ও মূলনীতি সমূহ বাস্তবায়নের মাধ্যমে ‘আহলেহাদীছ আন্দোলন বাংলাদেশ’ চায় এমন একটি ইসলামী সমাজ, যেখানে থাকবে না প্রগতির নামে কোন বিজাতীয় মতবাদ; থাকবে না ইসলামের নামে কোনরূপ মাযহাবী সংকীর্ণতাবাদ।

দ্বিতীয় অধ্যায়

ধারা-৬ : কর্মসূচী : চারটি-

তাবলীগ, তান্যীম, তারবিয়াত ও তাজদীদে মিল্লাত। অর্থাৎ প্রচার, সংগঠন, প্রশিক্ষণ ও সমাজ সংস্কার।

(১) তাবলীগ বা প্রচার : এ দফার করণীয় হ'ল, (ক) সর্বস্তরের মানুষের নিকট নির্ভেজাল তাওহীদ-এর দাওয়াত পৌছে দেওয়া। (খ) তাদেরকে যাবতীয় শিরক, বিদ‘আত ও তাকুলীদী ফির্কাবন্দীর বেড়াজাল হ’তে মুক্ত হয়ে সম্পূর্ণ নিরপেক্ষ ও খোলা মনে পবিত্র কুরআন ও ছহীহ হাদীছ অনুযায়ী নিজেদের জীবন, পরিবার ও সমাজ গঠনে উদ্বৃদ্ধ করা। (গ) তাদের মধ্যে ইসলামের প্রকৃত জ্ঞান অর্জন এবং জীবনের সকল দিক ও বিভাগে ইসলামের পূর্ণসং অনুশীলনের দায়িত্বানুভূতি জাগ্রত করা।

(২) তান্যীম বা সংগঠন : এ দফার করণীয় হ'ল, যে সকল মানুষ এই আন্দোলনের দাওয়াতে উদ্বৃদ্ধ হয়ে নিজেদের জীবন, পরিবার ও সমাজে যথার্থরূপে ইসলামী জীবন বিধান কার্যমে প্রস্তুত হন, তাদেরকে সংগঠনের ‘ইমারত’-এর অধীনে সংঘবদ্ধ করা।

(৩) তারবিয়াত বা প্রশিক্ষণ : এ দফার করণীয় হ'ল, (ক) সংগঠনের মাধ্যমে জামা‘আতবদ্ধ জনশক্তিকে নির্ভেজাল তাওহীদ ও ছহীহ সুন্নাহর আলোকে প্রশিক্ষণের মাধ্যমে যিন্দাদিল মর্দে মুজাহিদ রূপে গড়ে তোলা এবং (খ)

ধর্মের নামে প্রচলিত যাবতীয় কুসংস্কার ও জাহেলিয়াতের বিভিন্নমুখী চ্যালেঞ্জের মুকাবিলায় ইসলামকে বিজয়ী করার মত যোগ্যতা সম্পন্ন কর্মী তৈরীর কার্যকর ব্যবস্থা গ্রহণ করা।

(৪) তাজদীদে মিল্লাত বা সমাজ সংস্কার : এ দফার করণীয় হ'ল, আল্লাহ' প্রেরিত সর্বশেষ অহি-র বিধান অনুযায়ী সমাজের বুকে ন্যায়ের প্রতিষ্ঠা ও অন্যায়ের প্রতিরোধে সর্বাত্মক প্রচেষ্টা চালানো এবং এর মাধ্যমে পর্যায়ক্রমে ব্যক্তি, পরিবার, সমাজ ও রাষ্ট্র সংশোধনের ব্যবস্থা করা।

তৃতীয় অধ্যায়

ধারা-৭ : জনশক্তি স্তর : তিনটি-

১. প্রাথমিক সদস্য ২. সাধারণ পরিষদ সদস্য ৩. কেন্দ্রীয় পরিষদ সদস্য।

(১) প্রাথমিক সদস্য

(ক) যিনি নিয়মিত পাঁচ ওয়াক্ত ছালাত আদায় করেন (খ) পরিত্র কুরআন ও ছহীহ হাদীছের সিদ্ধান্তকে নিঃশর্তভাবে মেনে নেওয়ার স্বীকৃতি প্রদান করেন (গ) নির্ধারিত ‘সিলেবাস’ অধ্যয়নে রায়ী থাকেন (ঘ) ‘প্রাথমিক সদস্য ফরম’ পূরণ করেন ও সংগঠনের নির্দেশ পালনে প্রস্তুত থাকেন।

‘আহলেহাদীছ মহিলাসংস্থা’র জন্য ‘আন্দোলন’-এর সদস্য ফরমে অবলিগ (/)
চিহ্ন দিয়ে সর্বস্তরে /সদস্যা লেখা থাকবে।

(২) সাধারণ পরিষদ সদস্য

যে সকল ‘প্রাথমিক সদস্য’ (ক) সংগঠনের লক্ষ্য, উদ্দেশ্য, মূলনীতি ও কর্মসূচীর সাথে সচেতনভাবে একমত হন (খ) যিনি সংগঠনের সামগ্রিক তৎপরতায় স্বতঃস্ফূর্তভাবে সহায়তা করেন এবং অন্য কোন আদর্শিক সংগঠনের সাথে কোনোরূপ সাংগঠনিক সম্পর্ক রাখেন না (গ) যিনি যাবতীয় হারাম ও কবীরা গোনাহ হ'তে বিরত থাকেন এবং পরিত্র কুরআন ও ছহীহ হাদীছের আলোকে ব্যক্তি, পরিবার ও সমাজ গঠনে সচেষ্ট থাকেন (ঘ) যিনি নির্ধারিত সিলেবাস অধ্যয়ন করেন ও পরীক্ষায় উত্তীর্ণ হন। অতঃপর ‘মজলিসে আমেলা’র অনুমোদন লাভ করেন এবং আমীরে জামা‘আতের নিকট শারঙ্গ আনুগত্যের বায়‘আত গ্রহণ করেন।

(৩) কেন্দ্রীয় পরিষদ সদস্য

যে সকল ‘সাধারণ পরিষদ সদস্য’ (ক) সংগঠনের লক্ষ্য ও উদ্দেশ্যকে জীবনের লক্ষ্য ও উদ্দেশ্য হিসাবে গ্রহণ করেন এবং তা বাস্তবায়নের জন্য সংগঠনের নির্দেশ অনুযায়ী যেকোন ত্যাগ স্বীকারে প্রস্তুত থাকেন (খ) যিনি ইসলাম ও জাহেলিয়াত তথা তাওহীদ ও শিরক, সুন্নাত ও বিদ‘আত, ইত্বেৰা ও তাকুলীদ, প্রচলিত রাজনীতি ও অর্থনীতি এবং ইসলামী রাজনীতি ও অর্থনীতি সম্পর্কে সুস্পষ্ট ধারণা রাখেন (গ) যিনি ‘আন্দোলন’কে এগিয়ে নেওয়ার জন্য সর্বদা জান ও মালের কুরবানী দিয়ে থাকেন (ঘ) যিনি নির্ধারিত সিলেবাস অধ্যয়ন করেন ও পরীক্ষায় উত্তীর্ণ হন। অতঃপর ‘মজলিসে আমেলা’র অনুমোদন লাভ করেন এবং আমীরে জামা‘আতের নিকট শারঙ্গ আনুগত্যের বায়‘আত গ্রহণ করেন।

চতুর্থ অধ্যায়

ধারা-৮ : সাংগঠনিক স্তর : পাঁচটি-

১. শাখা ২. এলাকা ৩. উপযোগী ৪. যেলা ৫. কেন্দ্র।

১. শাখা

(ক) যে কোন গ্রাম বা মহল্লায় কর্মপক্ষে তিন জন ‘প্রাথমিক সদস্য’ থাকলে সেখানে একজনকে সভাপতি, একজনকে সাধারণ সম্পাদক ও একজনকে সদস্য করে একটি শাখা গঠন করা যাবে। সদস্য সংখ্যা বেশী থাকলে সভাপতি ও সহ-সভাপতিসহ অনধিক ১০ (দশ) সদস্যের একটি পূর্ণাঙ্গ ‘শাখা কর্মপরিষদ’ গঠিত হবে। তারা যেলা সভাপতি বা তার প্রতিনিধির নিকট শপথ নিবেন। যেলা না থাকলে উভয় শাখা কেন্দ্র কর্তৃক সরাসরি অনুমোদিত হবে।

(খ) প্রাথমিকভাবে কাজ শুরু করার জন্য যেলা সভাপতি একজনকে আহ্বায়ক, একজনকে যুগ্ম-আহ্বায়ক ও প্রয়োজনীয় সংখ্যক সদস্য নিয়ে একটি ‘শাখা আহ্বায়ক কমিটি’ গঠন করতে পারবেন। অনধিক ছয় মাসের মধ্যে পূর্ণাঙ্গ শাখা কর্মপরিষদ গঠিত হবে।

(গ) শাখার অধীনস্ত উপযুক্ত কোন স্থানে শাখার কার্যালয় স্থাপিত হবে।

(ঘ) মহিলাসংস্থা : ‘আহলেহাদীছ মহিলাসংস্থা’র শাখা কর্মপরিষদ একই নিয়মে গঠিত হবে এবং কেবলমাত্র শাখা পর্যায়ে ‘মহিলাসংস্থা’র কর্মপরিষদ থাকবে। পদবীগুলিতে কেবল স্ত্রীলিঙ্গ হবে। অর্থাৎ শাখা সভানেত্রী, সহ-সভানেত্রী, সম্পাদিকা ইত্যাদি। এখানে ‘যুব বিষয়ক সম্পাদক’-এর স্থলে একজন ‘ছাত্রী বিষয়ক সম্পাদিকা’ থাকবেন।

উৎসর্বতন স্তর সমূহে একজন পরিচালিকা ও চারজন সদস্যা নিয়ে অনধিক ৫ (পাঁচ) সদস্যা বিশিষ্ট এক একটি ‘মহিলা পরিচালনা পরিষদ’ থাকতে পারবে। যা কেন্দ্রে আমীরে জামা‘আত এবং অন্য স্তরে যেলা সভাপতি কর্তৃক মনোনীত হবে।

(ঙ) শাখা কর্মপরিষদ :

সভাপতি	১জন
সহ-সভাপতি	১জন
সাধারণ সম্পাদক	১জন
সাংগঠনিক সম্পাদক	১জন
অর্থ সম্পাদক	১জন
প্রচার সম্পাদক	১জন
শিক্ষা ও সংস্কৃতি বিষয়ক সম্পাদক	১জন
সমাজকল্যাণ সম্পাদক	১জন
যুব বিষয়ক সম্পাদক	১জন
দফতর সম্পাদক	১জন
মোট=	১০জন

২. এলাকা

- (ক) যেলা কর্মপরিষদের অনুমোদন সাপেক্ষে প্রয়োজনীয় সংখ্যক শাখা নিয়ে একটি ‘সাংগঠনিক এলাকা’ গঠিত হবে।
- (খ) যেলা সভাপতি স্বীয় কর্মপরিষদ এবং সংশ্লিষ্ট উপযেলা বা শাখা সভাপতিদের সাথে পরামর্শক্রমে এলাকা সভাপতি, সহ-সভাপতি ও সাধারণ সম্পাদক মনোনয়ন দিবেন। উক্ত তিনজন যেলা সভাপতি বা তাঁর প্রতিনিধির উপস্থিতি ও পরামর্শক্রমে অনধিক ১১ (এগারো) সদস্যের একটি পূর্ণাঙ্গ ‘এলাকা কর্মপরিষদ’ গঠন করবেন ও শপথ নিবেন।

- (গ) প্রাথমিকভাবে কাজ শুরু করার জন্য যেলা সভাপতি একজনকে আহ্বায়ক, একজনকে যুগ্ম-আহ্বায়ক ও প্রয়োজনীয় সংখ্যক সদস্য নিয়ে একটি ‘এলাকা আহ্বায়ক কমিটি’ গঠন করতে পারবেন। অনধিক ছয় মাসের মধ্যে পূর্ণাঙ্গ এলাকা কমিটি গঠিত হবে।
- (ঘ) এলাকার অধীনস্ত উপযুক্ত কোন স্থানে যেলার অনুমোদন সাপেক্ষে ‘এলাকা কার্যালয়’ স্থাপিত হবে।
- (ঙ) কেন্দ্রের পূর্বানুমতি সাপেক্ষে বড় বড় সিটি কর্পোরেশনগুলি প্রয়োজনে এক বা একাধিক যেলায় এবং যেলা শহরগুলি একাধিক এলাকা, ওয়ার্ড বা ইউনিয়নে ভাগ করা যাবে।

(চ) এলাকা কর্মপরিষদ :

সভাপতি	১জন
সহ-সভাপতি	১জন
সাধারণ সম্পাদক	১জন
সাংগঠনিক সম্পাদক	১জন
অর্থ সম্পাদক	১জন
প্রচার সম্পাদক	১জন
প্রশিক্ষণ সম্পাদক	১জন
শিক্ষা ও সংস্কৃতি বিষয়ক সম্পাদক	১জন
সমাজকল্যাণ সম্পাদক	১জন
যুব বিষয়ক সম্পাদক	১জন
দফতর সম্পাদক	১জন
মোট=	১১জন

৩. উপযেলা

- (ক) কয়েকটি এলাকা নিয়ে একটি ‘সাংগঠনিক উপযেলা’ গঠিত হবে। ক্ষেত্র বিশেষে কোন একক এলাকা ‘থানা’ অথবা ‘উপযেলা’ হিসাবে অভিহিত হবে।
- (খ) যেলা সভাপতি স্বীয় কর্মপরিষদ, সংশ্লিষ্ট উপযেলার উপদেষ্টা পরিষদ বা এলাকা সভাপতিদের সাথে পরামর্শক্রমে উপযেলা সভাপতি, সহ-সভাপতি ও সাধারণ সম্পাদক মনোনয়ন দিবেন। উক্ত তিনজন যেলা সভাপতি বা

তাঁর প্রতিনিধির উপস্থিতি ও পরামর্শক্রমে অনধিক ১১ (এগারো) সদস্যের পূর্ণাঙ্গ ‘উপযোলা কর্মপরিষদ’ গঠন করবেন ও শপথ নিবেন।

(গ) যেলার অনুমোদন সাপেক্ষে উপযোলা শহরে অথবা উপযোলার কোন সুবিধাজনক স্থানে ‘উপযোলা কার্যালয়’ স্থাপিত হবে।

(ঘ) উপযোলা কর্মপরিষদ :

সভাপতি	১জন
সহ-সভাপতি	১জন
সাধারণ সম্পাদক	১জন
সাংগঠনিক সম্পাদক	১জন
অর্থ সম্পাদক	১জন
প্রচার সম্পাদক	১জন
প্রশিক্ষণ সম্পাদক	১জন
শিক্ষা ও সংস্কৃতি বিষয়ক সম্পাদক	১জন
সমাজকল্যাণ সম্পাদক	১জন
যুব বিষয়ক সম্পাদক	১জন
দফতর সম্পাদক	১জন
মোট=	১১জন

৮. যেলা

(ক) প্রতিটি সরকারী যেলা অথবা ‘মজলিসে আমেলা’র অনুমোদন সাপেক্ষে বিশেষ অঞ্চল সমূহ নিয়ে একটি ‘সাংগঠনিক যেলা’ গঠিত হবে।

(খ) আমীরে জামা‘আত স্বীয় মজলিসে আমেলা, সংশ্লিষ্ট যেলার উপদেষ্টা পরিষদ বা উপযোলা/এলাকা সভাপতিদের সাথে পরামর্শক্রমে যেলা সভাপতি, সহ-সভাপতি ও সাধারণ সম্পাদক মনোনয়ন দিবেন। উক্ত তিনজন আমীরে জামা‘আতের প্রতিনিধির উপস্থিতি ও পরামর্শক্রমে অনধিক ১১ (এগারো) সদস্যের পূর্ণাঙ্গ ‘যেলা কর্মপরিষদ’ গঠন করবেন ও শপথ নিবেন।

(গ) প্রাথমিকভাবে কাজ শুরু করার জন্য আমীরে জামা‘আত একজনকে আহ্বায়ক, একজনকে যুগ্ম-আহ্বায়ক ও প্রয়োজনীয় সংখ্যক সদস্য নিয়ে

একটি ‘যেলা আহ্বায়ক কমিটি’ গঠন করতে পারবেন। যাদের প্রত্যেককে কমপক্ষে ‘প্রাথমিক সদস্য’ হ’তে হবে। অনধিক ছয় মাসের মধ্যে পূর্ণাঙ্গ যেলা কর্মপরিষদ গঠিত হবে।

(ঘ) মজলিসে আমেলার অনুমোদন সাপেক্ষে যেলা শহরে অথবা যেলার কোন সুবিধাজনক স্থানে ‘যেলা কার্যালয়’ স্থাপিত হবে।

(ঙ) যেলা কর্মপরিষদ :

সভাপতি	১জন
সহ-সভাপতি	১জন
সাধারণ সম্পাদক	১জন
সাংগঠনিক সম্পাদক	১জন
অর্থ সম্পাদক	১জন
প্রচার সম্পাদক	১জন
প্রশিক্ষণ সম্পাদক	১জন
শিক্ষা ও সংস্কৃতি বিষয়ক সম্পাদক	১জন
সমাজকল্যাণ সম্পাদক	১জন
যুব বিষয়ক সম্পাদক	১জন
দফতর সম্পাদক	১জন
<hr/> মোট=	<hr/> ১১জন

৫. কেন্দ্র

(ক) আমীরে জামা‘আত, মজলিসে আমেলা, মজলিসে শূরা, কেন্দ্রীয় পরিষদ সভা ও কেন্দ্রীয় উপদেষ্টা পরিষদ সমন্বয়ে ‘কেন্দ্রীয় ইমারত’ গঠিত হবে।

(খ) কেন্দ্রীয় পরিষদ সদস্যগণের মধ্য হ’তে অনধিক ১১ (এগারো) সদস্যের একটি ‘মজলিসে আমেলা’ গঠিত হবে।

(গ) আমীরে জামা‘আত প্রয়োজনবোধে ‘সাধারণ পরিষদ সদস্য’গণের মধ্য হ’তে যোগ্য ও অভিজ্ঞ কাউকে ‘মজলিসে আমেলা’ কিংবা ‘মজলিসে শূরা’-র সদস্য মনোনয়ন দিতে পারেন। তবে অনধিক ছয় মাসের মধ্যে তাকে ‘কেন্দ্রীয় পরিষদ সদস্য’ মানে উন্নীত হ’তে হবে।

(ঘ) মজলিসে আমেলা :

আমীর	১জন
সাধারণ সম্পাদক	১জন
সাংগঠনিক সম্পাদক	১জন
অর্থ সম্পাদক	১জন
প্রচার সম্পাদক	১জন
প্রশিক্ষণ সম্পাদক	১জন
গবেষণা ও প্রকাশনা বিষয়ক সম্পাদক	১জন
শিক্ষা ও সংস্কৃতি বিষয়ক সম্পাদক	১জন
সমাজ কল্যাণ সম্পাদক	১জন
যুব বিষয়ক সম্পাদক	১জন
দফতর সম্পাদক	১জন
মোট=	১১ জন

(ঙ) মজলিসে শূরা : কেন্দ্রীয় পরিষদ সদস্যগণের মধ্য হ'তে বয়স, যোগ্যতা ও অভিজ্ঞতা বিবেচনা করে অনধিক ২৫ (পঁচিশ) জনের একটি 'মজলিসে শূরা' থাকবে। 'আমেলা' সদস্যগণ পদাধিকার বলে মজলিসে শূরার সদস্য থাকবেন।

ধারা-৯ :

- (ক) কেন্দ্রীয় পরিষদ সভা : 'কেন্দ্রীয় পরিষদ সদস্য'গণের এই সভা সংগঠনের 'সর্বোচ্চ পরিষদ' হিসাবে বিবেচিত হবে।
- (খ) কেন্দ্রীয় উপদেষ্টা পরিষদ : কেন্দ্রে অনধিক ৭ (সাত) জনের একটি 'কেন্দ্রীয় উপদেষ্টা পরিষদ' থাকতে পারবে।
- (গ) উপদেষ্টা পরিষদ : অধঃস্তন সংগঠন সমূহে অনধিক ৭ (সাত) সদস্য বিশিষ্ট একটি করে 'উপদেষ্টা পরিষদ' থাকতে পারবে।

ধারা-১০ : কার্যক্রম

(ক) শাখা সংগঠন :

১. গ্রাম বা মহল্লার সকল নর-নারীকে নিয়মিত মুছল্লী বানানোর জন্য পরিকল্পনা মোতাবেক দাওয়াত দেওয়া।

২. (ক) দৈনিক বাদ এশা মহল্লার মসজিদে অর্থসহ ১টি করে হাদীছ শুনানো (খ) সাংগৃহিক তা'লীমী বৈঠকে যোগদান করা (গ) সাংগৃহিক পারিবারিক তা'লীম করা।
৩. দ্বিনী ইল্ম-এর প্রসারের জন্য প্রত্যেক শাখায় (ক) মত্তব ও পাঠাগার স্থাপন করা (খ) 'সোনামণি মাদরাসা' ও বয়স্কদের 'কুরআন শিক্ষা ক্লাস' চালুর ব্যবস্থা করা (গ) ইসলামী বই ও পত্র-পত্রিকা পাঠের ব্যবস্থা করা। (ঘ) সংগঠনের বিভিন্ন বই, পত্রিকা, সিডি-ক্যাসেট বিক্রয় ও বিতরণ করা, পোস্টারিং ও প্রচারপত্র সমূহ বিতরণ করা ইত্যাদি।
৪. প্রতি মাসে একবার দায়িত্বশীল বৈঠক করা এবং শাখার মাসিক রিপোর্ট এলাকা সভাপতির নিকট প্রেরণ করা।
৫. শাখা সংগঠন প্রয়োজনীয় ফাইল সমূহ সংরক্ষণ করবে। যেমন- (১) সদস্য রেজিস্টার (২) মুছল্লী রেজিস্টার (৩) রেজুলেশন বই (৪) ক্যাশ বই (৫) ভাউচার ফাইল (৬) চিঠিপত্র ফাইল (৭) বিবিধ ফাইল।
৬. উর্ধ্বতন সংগঠনের নির্দেশাবলী ও বিভিন্ন কর্মসূচী বাস্তবায়নে বাধ্য থাকবে।

৭. উপরে বর্ণিত ২ (ক) উপধারা ব্যতীত বাকী কার্যক্রমসমূহ 'আহলেহাদীছ মহিলাসংস্থা' সাধ্যমত পালন করবে। এতদ্ব্যতীত তারা 'আন্দোলন' কর্তৃক আয়োজিত যেলা ও কেন্দ্রীয় কর্মী সম্মেলন, প্রশিক্ষণ এবং তাবলীগী ইজতেমায় যোগদান করবে এবং মহিলাদের মধ্যে দায়িত্বশীল ভূমিকা পালন করবে। সংশ্লিষ্ট 'মহিলা পরিচালনা পরিষদ' শাখা সমূহের সমন্বয়কারী হিসাবে কাজ করবে ও সর্বদা তাদেরকে দাওয়াতী কাজে উদ্বৃদ্ধ করবে। শাখা তাদের কর্মতৎপরতার মাসিক রিপোর্ট নির্দিষ্ট ফরমে 'আন্দোলন'-এর সংশ্লিষ্ট যেলা সংগঠনে প্রেরণ করবে।

(খ) এলাকা সংগঠন :

১. 'এলাকা' অথবা 'উপযেলা মারকায়ে' মাসিক তাবলীগী ইজতেমা করা।
২. এলাকার সর্বত্র দাওয়াত সম্প্রসারণ করা, নতুন নতুন শাখা গঠন করা এবং গঠিত শাখাসমূহকে অধিকতর সক্রিয় ও শক্তিশালী করার জন্য নিয়মিতভাবে তাবলীগী সফর ও প্রশিক্ষণ কর্মসূচী গ্রহণ করা।

৩. এলাকা কর্মপরিষদ মাসিক দায়িত্বশীল বৈঠক করবে। সেখানে শাখার প্রদত্ত রিপোর্ট সমূহ পর্যালোচনা করে সংশ্লিষ্ট শাখায় প্রয়োজনীয় পরামর্শ পাঠাবে ও এলাকার মাসিক রিপোর্ট উপযোগী প্রেরণ করবে।
৪. উর্ধ্বতন সংগঠনের নির্দেশাবলী বাস্তবায়নে বাধ্য থাকবে।
৫. প্রয়োজনীয় ফাইল সমূহ সংরক্ষণ করবে। যেমন- (১) শাখার রিপোর্ট ফাইল (২) রেজুলেশন বহি (৩) ক্যাশ বহি (৪) ভাউচার ফাইল (৫) চিঠিপত্র ফাইল (৬) অফিস ফাইল (৭) বিবিধ ফাইল।

(গ) উপযোগী সংগঠন :

১. এলাকা সংগঠন সমূহকে অধিকতর সক্রিয় ও শক্তিশালী করার জন্য কর্মসূচী গ্রহণ করা।
২. মাসিক দায়িত্বশীল বৈঠক করা।
৩. এলাকার প্রদত্ত রিপোর্ট সমূহ পর্যালোচনা করে সংশ্লিষ্ট এলাকায় প্রয়োজনীয় পরামর্শ পাঠানো এবং উপযোগী মাসিক রিপোর্ট যেলায় প্রেরণ করা।
৪. উর্ধ্বতন সংগঠনের নির্দেশাবলী বাস্তবায়নে বাধ্য থাকবে।
৫. প্রয়োজনীয় ফাইল সমূহ সংরক্ষণ করবে। যেমন- (১) এলাকার রিপোর্ট ফাইল (২) রেজুলেশন বহি (৩) ক্যাশ বহি (৪) ভাউচার ফাইল (৫) চিঠিপত্র ফাইল (৬) অফিস ফাইল (৭) বিবিধ ফাইল।

(ঘ) যেলা সংগঠন :

১. কেন্দ্রের পরে যেলাগুলিই সংগঠনের সর্বাধিক গুরুত্বপূর্ণ ইউনিট হিসাবে গণ্য হবে এবং সংগঠনের অগ্রগতির স্বার্থে কেন্দ্রের পূর্বানুমতি সাপেক্ষে বিভিন্ন পরিকল্পনা গ্রহণ ও বাস্তবায়ন করবে।
২. উপযোগী, এলাকা ও শাখা সমূহ অনুমোদন দিবে এবং অধ্যন্তন সংগঠন সমূহ তদারকি করবে।
৩. উপযোগী মাসিক রিপোর্ট পর্যালোচনা করবে এবং প্রয়োজনীয় পরামর্শ পাঠাবে।
৪. যেলা মাসিক তাবলীগী ইজতেমা করবে।

৫. প্রয়োজনীয় ফাইল ও রেকর্ডপত্র সমূহ সংরক্ষণ করবে। স্বাক্ষরিত মূল সদস্য ফরম সমূহ পৃথক 'সদস্য ফাইলে' হেফায়ত করবে।
৬. কেন্দ্রের নির্দেশ সমূহ দ্রুত বাস্তবায়ন করবে এবং যেলার নিয়মিত মাসিক রিপোর্ট কেন্দ্রে প্রেরণ করবে।

(ঙ) কেন্দ্রীয় সংগঠন :

১. যেলা সংগঠনকে অনুমোদন দেবে ও তদারকি করবে।
২. সংগঠনের সামগ্রিক পরিকল্পনা ও কর্মসূচী গ্রহণ করবে।
৩. বার্ষিক কর্মী সম্মেলন ও কেন্দ্রীয় তাবলীগী ইজতেমা করবে। ইজতেমায় সংগঠনের কর্মী, সমর্থক ও সুধীবৃন্দের ব্যাপক সমাবেশ-এর ব্যবস্থা গ্রহণ করবে।
৪. সংগঠনের সর্বস্তরে কর্মীদের মান উন্নয়নের জন্য প্রয়োজনীয় সফর ও প্রশিক্ষণের ব্যবস্থা নিবে।
৫. রসিদ বই ছাপাবে এবং সংগঠনের সর্বত্র আয়-ব্যয়ের হিসাব পরিদর্শন ও অডিটের ব্যবস্থা করবে।

পঞ্চম অধ্যায়

ধারা-১১ : দায়িত্ব ও কর্তব্য

- (১) আমীর : (ক) 'আমীরে জামা'আত' আন্দোলনের মূল যিম্বাদার হবেন। তিনি 'কেন্দ্রীয় ইমারত'-এর প্রধান হিসাবে গণ্য হবেন ও তাদের আনুগত্যের বায়'আত' গ্রহণ করবেন। (খ) তিনি আন্দোলনের বৃহত্তর স্বার্থে 'মজলিসে শূরা'র সাথে পরামর্শক্রমে যেকোন মৌলিক পরিকল্পনা গ্রহণ করবেন। (গ) কোন বিষয়ে তিনি যন্ত্রী সিদ্ধান্ত নিতে পারবেন। তবে পরবর্তী 'মজলিসে আমেলা'-র বৈঠকে তার আনুমোদন নিবেন। (ঘ) আমীরে জামা'আত' প্রয়োজন বোধে কেন্দ্র ও যেলায় যেকোন পদ বা সহকারী পদ সৃষ্টি কিংবা বিলুপ্ত করতে পারবেন অথবা কাউকে একাধিক দায়িত্ব দিতে পারবেন।

- (২) কেন্দ্রীয় সাধারণ সম্পাদক : তিনি কেন্দ্রীয় সম্পাদকমণ্ডলীর প্রধান হিসাবে বিবেচিত হবেন। আমীরে জামা'আতের অনুমতিক্রমে সকল বৈঠক আহ্বান করবেন এবং সম্পাদকমণ্ডলী ও বিভাগীয় পরিচালকদের

কাজের তদারকি করবেন। মাসিক ‘আমেলা’ বৈঠকে সার্বিক রিপোর্ট পেশ করবেন। খসড়া বার্ষিক পরিকল্পনা তৈরী করবেন ও বার্ষিক সামগ্রিক রিপোর্ট পেশ করবেন। তিনি আমীরের অনুপস্থিতিতে তাঁর পক্ষে নিয়মতাত্ত্বিক দায়িত্ব পালন করবেন।

- (৩) **সভাপতি :** সভাপতিগণ স্ব স্ব স্তরের আন্দোলন ও সংগঠনের মূল যিচ্ছাদার হবেন। তিনি সভায় সভাপতিত্ব করবেন ও সংগঠনের সার্বিক শৃঙ্খলা বজায় রাখবেন।
- (৪) **সহ-সভাপতি :** তিনি সভাপতি প্রদত্ত যেকোন দায়িত্ব পালন করবেন এবং সভাপতির অনুপস্থিতিতে তাঁর পক্ষে নিয়মতাত্ত্বিক দায়িত্ব পালন করবেন।
- (৫) **সাধারণ সম্পাদক :** তিনি সম্পাদকমণ্ডলীর প্রধান হিসাবে বিবেচিত হবেন। সভাপতির অনুমতিক্রমে সভা আহ্বান করবেন ও কার্যবিবরণী লিপিবদ্ধ করবেন। তিনি সম্পাদকমণ্ডলীর কার্যক্রম তদারকি করবেন ও বৈঠকে সংগঠনের সার্বিক রিপোর্ট পেশ করবেন।
- (৬) **সাংগঠনিক সম্পাদক :** তিনি সাংগঠনিক অঞ্চলিত ও শৃঙ্খলা রক্ষার ব্যাপারে বাস্তব পরিকল্পনা পেশ করবেন ও কর্মপরিষদের অনুমোদন সাপেক্ষে তা বাস্তবায়নের পদক্ষেপ গ্রহণ করবেন।
- (৭) **অর্থ সম্পাদক :** তিনি সংগঠনের হিসাব সংরক্ষণ করবেন ও মাসিক বৈঠকে আয়-ব্যয়ের রিপোর্ট পেশ করবেন। তিনি উন্নয়নমুখী অর্থনৈতিক পরিকল্পনা গ্রহণ করবেন এবং কর্মপরিষদের অনুমোদন সাপেক্ষে তা বাস্তবায়নের সক্রিয় পদক্ষেপ নিবেন। তিনি সংগঠনের বার্ষিক হিসাব ‘অডিট’ করাবেন।
- (৮) **প্রচার সম্পাদক :** তিনি প্রচার বিভাগের দায়িত্ব পালন করবেন। বিভিন্ন তাবলীগী পরিকল্পনা গ্রহণ করবেন ও কর্মপরিষদের অনুমোদন সাপেক্ষে তা বাস্তবায়ন করবেন।
- (৯) **প্রশিক্ষণ সম্পাদক :** তিনি সর্বস্তরের কর্মী ও দায়িত্বশীলগণকে যোগ্য করে গড়ে তোলার লক্ষ্যে সুনির্দিষ্ট ‘প্রশিক্ষণ পরিকল্পনা’ পেশ করবেন ও কর্মপরিষদে অনুমোদনের পর তা বাস্তবায়নের যথাযথ ব্যবস্থা নিবেন।

- (১০) শিক্ষা ও সংস্কৃতি বিষয়ক সম্পাদক : তিনি সংগঠনের শিক্ষা বিভাগীয় দায়িত্ব পালন করবেন। পবিত্র কুরআন ও ছহীহ হাদীছের আলোকে ইসলামী শিক্ষা ও সংস্কৃতির বিকাশ সাধনে পরিকল্পনা পেশ করবেন ও সংশ্লিষ্ট কর্মপরিষদের অনুমোদন সাপেক্ষে তা বাস্তবায়ন করবেন।
- (১১) গবেষণা ও প্রকাশনা বিষয়ক সম্পাদক : এ পদটি কেবল কেন্দ্রে থাকবে। তিনি ‘হাদীছ ফাউণ্ডেশন বাংলাদেশ’ এবং ‘সংগঠনের মুখ্যপত্র’ ও ‘গবেষণা বিভাগ’ তদারকি করবেন। সর্বস্তরে ‘হাদীছ ফাউণ্ডেশন পাঠ্যগ্রন্থ’ প্রতিষ্ঠা ও পরিচালনার ব্যবস্থা নিবেন এবং সংগঠনের প্রকাশনা বিষয়ে গৃহীত সিদ্ধান্ত সমূহ বাস্তবায়ন করবেন।
- (১২) সমাজকল্যাণ সম্পাদক : তিনি সমাজকল্যাণমূলক বিভিন্ন কাজের পরিকল্পনা গ্রহণ করবেন ও কর্মপরিষদের অনুমোদন সাপেক্ষে তা বাস্তবায়নের যথাযথ ব্যবস্থা নিবেন।
- (১৩) যুব বিষয়ক সম্পাদক : তিনি সংগঠনের ছাত্র ও যুব বিভাগ এবং শিশু-কিশোর বিভাগ তদারকি করবেন ও এগুলির অগ্রগতি বিষয়ে সর্বদা সংশ্লিষ্ট সংগঠনকে অবহিত করবেন।
- (১৪) দফতর সম্পাদক : তিনি সংগঠনের যাবতীয় ফাইল ও রেকর্ড-পত্র সংরক্ষণ করবেন। চিঠিপত্র আদান-প্রদান করবেন ও নিয়মিত অফিস তদারকি করবেন।
- (১৫) সৃষ্টি পদ সমূহ : আমীরে জামা‘আত কর্তৃক সৃষ্টি পদসমূহের দায়িত্ব ও কর্তব্য মজলিসে আমেলার পরামর্শে তিনিই ঠিক করবেন এবং কেন্দ্রীয় সাধারণ সম্পাদক এগুলির তদারকি করবেন।
- (১৬) মজলিসে আমেলা : সংগঠনের সর্বোচ্চ নির্বাহী পরিষদ হিসাবে গণ্য হবে। এই পরিষদ (ক) আমীরে জামা‘আত প্রদত্ত বিভাগ সমূহের দায়িত্ব পালন করবে এবং নির্দেশ সমূহ বাস্তবায়ন করবে। (খ) ‘মজলিসে শূরা’র সিদ্ধান্ত সমূহ বাস্তবায়ন করবে। (গ) আমীরে জামা‘আতের গৃহীত কোন যন্ত্রণা সিদ্ধান্ত অনুমোদন করবে।

- (১৭) মজলিসে শূরা :** সংগঠনের সর্বোচ্চ পরামর্শ পরিষদ হিসাবে গণ্য হবে। এই পরিষদ (ক) আমীরে জামা‘আতকে আন্দোলনের অগ্রগতি বিষয়ে গঠনমূলক পরামর্শ প্রদান করবে (খ) মৌলিক পরিকল্পনা গ্রহণ, কর্মসূচী প্রণয়ন, বাজেট অনুমোদন, অডিট বোর্ড গঠন ও হিসাব অনুমোদন করবে (গ) আভ্যন্তরীণ শৃংখলা বিধান (ঘ) গঠনতত্ত্বের সংরক্ষণ, সংশোধন ও ব্যাখ্যা প্রদান এবং (ঙ) সংগঠনে ইসলামী শরী‘আত অনুসরণের তত্ত্বাবধান করবে।
- (১৮) কর্মপরিষদ সমূহ :** স্ব স্ব মাসিক বৈঠকে আয়-ব্যয়ের হিসাব, সাংগঠনিক রিপোর্ট এবং আগামী মাসের পরিকল্পনাসহ সামগ্রিক বিষয় পর্যালোচনা ও অনুমোদন করবে।
- (১৯) কেন্দ্রীয় পরিষদ সভা :**
- দায়িত্ব সমূহ : (ক) ‘আমীর’ মৃত্যুবরণ করলে এই সভা মজলিসে শূরার প্রস্তাবক্রমে নতুন ‘আমীর’ অনুমোদন করবে। (খ) বাধ্যগত অবস্থায় প্রয়োজনবোধে এই সভা শূরা-র প্রস্তাবক্রমে ‘ভারপ্রাণ আমীর’ নির্বাচন করবে, যা মূল আমীরের অনুমোদনক্রমে কার্যকর হবে। ‘ভারপ্রাণ আমীর’ কেবল নিয়মতাত্ত্বিক দায়িত্ব পালন করবেন। (গ) ‘কেন্দ্রীয় পরিষদ সভা’ কেন্দ্রের ও আন্দোলনের সার্বিক অগ্রগতির বিষয়ে সর্বদা সজাগ দৃষ্টি রাখবে। (ঘ) সংগঠন ও দায়িত্বশীলগণের ব্যাপারে তাদের গঠনমূলক প্রস্তাব, পরামর্শ ও মন্তব্য কেন্দ্র সক্রিয়ভাবে বিবেচনা করবে। (ঙ) এই সভা বার্ষিক অডিটকৃত হিসাব সহ সংগঠনের সার্বিক রিপোর্ট অবহিত হবে।
- (২০) কেন্দ্রীয় উপদেষ্টা পরিষদ :** কেন্দ্রীয় সংগঠনের অগ্রগতি বিষয়ে সর্বদা সজাগ দৃষ্টি রাখবে এবং আমীরে জামা‘আতকে প্রয়োজনীয় পরামর্শ প্রদান করবে। কেন্দ্রীয় প্রধান উপদেষ্টা ও সদস্যগণ আমীরে জামা‘আতের আমন্ত্রণে ‘কেন্দ্রীয় পরিষদ সভা’য় যোগদান করবেন ও প্রয়োজনীয় পরামর্শ দিবেন।
- (২১) উপদেষ্টা পরিষদ :** স্ব স্ব স্তরের উপদেষ্টাগণ সংগঠনের অগ্রগতি বিষয়ে সজাগ দৃষ্টি রাখবেন এবং প্রয়োজনীয় সহযোগিতা ও পরামর্শ প্রদান

করবেন। সভাপতির আমন্ত্রণে তারা কর্মপরিষদ বৈঠকে যোগদান করে পরামর্শ দিতে পারবেন।

ধারা-১২ : সভাসমূহ

- (১) আমীরে জামা ‘আত-এর সাথে পরামর্শ ও তাঁর অনুমতিক্রমে কেন্দ্রীয় যেকোন সভা ‘কেন্দ্রীয় সাধারণ সম্পাদক’ আহ্বান করবেন।
- (২) সভাপতির অনুমতিক্রমে সর্বস্তরের ‘কর্মপরিষদ’ নিয়মিত মাসিক বৈঠক করবে।
- (৩) অধিকাংশের উপস্থিতিতে সভায় কোরাম হবে।
- (৪) সাধারণ সভার লিখিত নোটিশ সভার কমপক্ষে ৭ (সাত) দিন পূর্বে প্রদান করতে হবে। নিয়মিত সভা মৌখিক নোটিশেও হ'তে পারবে।
- (৫) সর্বস্তরের প্রধানগণ বিশেষ কারণে একটিমাত্র এজেণ্ট দিয়ে যরুরী সভা আহ্বান করতে পারবেন।
- (৬) মজলিসে শূরার বৈঠক বছরে কমপক্ষে ৩ (তিনি)-টি অনুষ্ঠিত হবে।
- (৭) বছরে অন্ততঃ একবার কেন্দ্রীয়ভাবে সকল স্তরের ‘কর্মপরিষদ’ ‘সাধারণ পরিষদ’ ও ‘কেন্দ্রীয় পরিষদ সদস্য’ সম্মেলন ও প্রশিক্ষণ অনুষ্ঠিত হবে।
- (৮) সংগঠনের সর্বস্তরে ইসলামী সম্মেলন, সুধী সমাবেশ, প্রশিক্ষণ শিবির, কর্মী সম্মেলন, ইসলামী সেমিনার ইত্যাদি করতে হবে।
- (৯) কেন্দ্রীয় উপদেষ্টা পরিষদের সভা বছরে কমপক্ষে ১টি অনুষ্ঠিত হবে। তবে ‘আমীর’ প্রয়োজনবোধে যেকোন সময় উপদেষ্টা পরিষদের সভা আহ্বান করবেন এবং তিনি সভায় সভাপতিত্ব করবেন। বার্ষিক বা যরুরী কোন সম্মেলনে উক্ত সভা আহ্বান আবশ্যিক হবে।
- (১০) সভাপতি প্রয়োজনবোধে যেকোন সময় উপদেষ্টা পরিষদের সভা আহ্বান করবেন এবং তিনি সভায় সভাপতিত্ব করবেন। বার্ষিক বা যরুরী কোন সম্মেলনে উক্ত সভা আহ্বান আবশ্যিক হবে।

ষষ্ঠি অধ্যায়

ধারা-১৩ : বিভাগ সমূহ

‘আহলেহাদীছ আন্দোলন বাংলাদেশ’-এর বিভিন্ন বিভাগ থাকবে।

(ক) বিভাগসমূহ পরিচালনার জন্য ‘আমীরে জামা‘আত’ মজলিসে আমেলার পরামর্শক্রমে পৃথক পৃথক ‘বিভাগীয় পরিচালক’ ও ‘সহকারী পরিচালক’ নিরোগ দিবেন এবং তাদের সদস্য সংখ্যা ও কর্মপরিধি নির্ধারণ করবেন। পরিচালকগণ মজলিসে শূরা বা আমেলার সদস্য না-ও হ’তে পারেন। তবে তাদেরকে কমপক্ষে ‘সাধারণ পরিষদ সদস্য’ হওয়া বাঞ্ছনীয়। ‘আমীরে জামা‘আত’ প্রয়োজনবোধে যে কোন বিভাগ সৃষ্টি, বাতিল ও কমবেশী করতে পারবেন। পরিচালকগণ কেন্দ্রীয় সাধারণ সম্পাদক-এর নিকটে তাদের স্ব স্ব মাসিক রিপোর্ট পেশ করবেন।

(খ) বিভাগসমূহ :

১. ছাত্র ও যুব বিভাগ
২. শিশু-কিশোর বিভাগ
৩. মহিলা বিভাগ
৪. শিক্ষা বিভাগ
৫. দা‘ওয়াহ বিভাগ
৬. ফৎওয়া বিভাগ
৭. গবেষণা ও প্রকাশনা বিভাগ
৮. সমাজকল্যাণ বিভাগ।

ধারা-১৪ : ব্যাখ্যা

(১) ছাত্র ও যুব বিভাগ : তরুণ ছাত্র ও যুব সমাজের নিকটে ইসলামের প্রকৃত দাওয়াত পৌছে দেওয়ার জন্য ছাত্র ও যুব বিভাগ দায়িত্ব পালন করবে। এ বিভাগের অধীনে বর্তমানে ‘বাংলাদেশ আহলেহাদীছ যুবসংঘ’ পরিচালিত হবে। ‘আল-হেরো শিল্পীগোষ্ঠী’ ও ‘তাওহীদের ডাক’ পত্রিকা এ বিভাগের অধীনে পরিচালিত হবে।

(২) শিশু-কিশোর বিভাগ : শিশু-কিশোরদের মধ্যে সঠিক ইসলামী চেতনা সৃষ্টির লক্ষ্যে এ বিভাগ বিভিন্ন কর্মসূচী গ্রহণ করবে। এ বিভাগের অধীনে বর্তমানে ‘সোনামণি’ সংগঠন পরিচালিত হবে। এ সংগঠনের মুখ্যপত্র ‘সোনামণি প্রতিভা’ এ বিভাগের অধীনে পরিচালিত হবে।

(৩) মহিলা বিভাগ : এ বিভাগের অধীনে বর্তমানে ‘আহলেহাদীছ মহিলাসংস্থা’ পরিচালিত হবে। যা মূল সংগঠনের আওতায় থেকে স্বতন্ত্রভাবে নিজেদের

নেতৃত্বে শাখা পর্যায়ে দাওয়াত ও সংগঠনের কাজ করবে। মহিলাদের মধ্যে দাওয়াত ও তাবলীগের কাজ করার জন্য ‘মহিলাসংস্থা’ দায়িত্ব পালন করবে এবং পরিবার ও প্রতিবেশীদের মধ্যে ইসলামী মূল্যবোধ সৃষ্টি ও বাস্তবায়নের চেষ্টা চালাবে। ‘আন্দোলন’-এর ‘কেন্দ্রীয় সাধারণ সম্পাদক’ এ বিভাগের তত্ত্বাবধান করবেন।

(৪) **শিক্ষা বিভাগ :** দেশে পরিত্র কুরআন ও ছহীহ হাদীছের আলোকে প্রকৃত ইসলামী শিক্ষা প্রসারের লক্ষ্যে এ বিভাগ কাজ করবে। এতদ্যৌতীত ‘আন্দোলন’-এর আওতাধীন ও সমর্মনা শিক্ষা প্রতিষ্ঠান সমূহে ‘হাদীছ ফাউন্ডেশন বাংলাদেশ’ কর্তৃক প্রকাশিত বা অনুমোদিত বইসমূহ পাঠ্য হিসাবে চালু করা, শিক্ষক প্রশিক্ষণের ব্যবস্থা করা ও অন্যান্য পদক্ষেপ সমূহ গ্রহণ করা এ বিভাগের দায়িত্ব হবে। কেন্দ্রীয় শিক্ষা ও সংস্কৃতি বিষয়ক সম্পাদক এ বিভাগের তত্ত্বাবধান করবেন।

(৫) **দা‘ওয়াহ বিভাগ :** সংগঠন কর্তৃক নিযুক্ত দাঙ্গণ এ বিভাগের অধীনে পরিচালিত হবেন। কেন্দ্রীয় প্রচার সম্পাদক এ বিভাগের তত্ত্বাবধান করবেন।

(৬) **ফৎওয়া বিভাগ :** পরিত্র কুরআন, ছহীহ হাদীছ ও মুহাদ্দেছীনের মাসলাক অনুসরণে যুগ-জিজ্ঞাসার জওয়াব প্রদান করবে। যা ‘দারুল ইফতা’ নামে অভিহিত হবে। আমীরে জামা‘আত এ বিভাগের প্রধান থাকবেন।

(৭) **গবেষণা ও প্রকাশনা বিভাগ :** (ক) পরিত্র কুরআন ও ছহীহ হাদীছের আলোকে এবং মুহাদ্দেছীনের মাসলাক অনুসরণে বিভিন্ন বিষয়ে গবেষণাকর্ম পরিচালনা করবে/ব্যবস্থা করবে। (খ) সংগঠনের কেন্দ্রীয় মুখ্যপত্র মাসিক ‘আত-তাহরীক’ এবং অন্যান্য বই ও প্রচারপত্র সমূহ প্রকাশ করবে। (গ) ‘হাদীছ ফাউন্ডেশন বাংলাদেশ’ এবং ‘গবেষণা বিভাগ’ ও ‘দারুল ইফতা’ এই বিভাগের অধীনে পরিচালিত হবে। কেন্দ্রীয় গবেষণা ও প্রকাশনা বিষয়ক সম্পাদক এ বিভাগের তত্ত্বাবধান করবেন।

(৮) **সমাজকল্যাণ বিভাগ :** সংগঠনের নির্দেশনায় প্রতিষ্ঠিত সমাজসেবামূলক ট্রাষ্ট বা সংস্থাসমূহ এই বিভাগের অধীনে পরিচালিত হবে। কেন্দ্রীয় সমাজকল্যাণ সম্পাদক এ বিভাগের তত্ত্বাবধান করবেন।

সপ্তম অধ্যায়

ধারা-১৫ : নির্বাচন ও মনোনয়ন

- (১) সংগঠনের সর্বত্র নেতৃত্বের জন্য প্রার্থী হওয়া, পদের প্রতি লোভ করা, গ্রন্থিং করা ও প্রচারণা চালানো সম্পূর্ণরূপে নিষিদ্ধ। সেমতে নেতৃত্ব নির্বাচনে সংগঠনের সর্বস্তরে আল্লাহভীরু ও যোগ্য ব্যক্তিদের মাধ্যমে ইসলামী শূরা পদ্ধতি অনুসৃত হবে।
- (২) আমীর : কেন্দ্রীয় পরিষদ সদস্যগণের মধ্য হ'তে সর্বাধিক সাংগঠনিক প্রজ্ঞাসম্পন্ন এবং কুরআন-হাদীছে অভিজ্ঞ মুত্তাকী আলেম ও যাঁর পরিবারে শরী‘আতের পাবন্দী আছে, এমন একজন যোগ্য ও আদর্শ ব্যক্তি ‘আমীর’ নির্বাচিত হবেন। তাঁর বয়স কমপক্ষে ৪০ (চালিশ) বছর হওয়া বাঞ্ছনীয় হবে। এ বিষয়ে মজলিসে শূরা প্রথমে পূর্বতন আমীরের অচ্ছিয়ত, প্রস্তাবনা বা পরামর্শ বিবেচনা করবে। নইলে মজলিসে শূরা নিজেদের মধ্যে পরামর্শক্রমে সর্বসম্মতভাবে একজনের নাম প্রস্তাব করবে। অতঃপর ‘কেন্দ্রীয় পরিষদ সভা’ তা অনুমোদন করবে। অতঃপর শূরা সদস্যগণ প্রথমে, তারপর বাকী সকলে আমীরের নিকট আনুগত্যের বায়‘আত গ্রহণ করবেন। আমীর হবেন সংগঠনের সর্বোচ্চ আনুগত্য, শুদ্ধা ও ভালোবাসা পাবার অধিকারী। তাঁর নির্দেশ ও উপদেশ সকলকে নেকীর উদ্দেশ্যে মাথা পেতে মেনে নিতে হবে (মুসলিম হা/১৮৩৫ (৩৩); বুখারী হা/৭১৩৭)।
- (৩) কেন্দ্রীয় সাধারণ সম্পাদক : আমীরে জামা‘আত কেন্দ্রীয় উপদেষ্টা পরিষদ ও মজলিসে শূরার সাথে পরামর্শক্রমে কেন্দ্রীয় পরিষদ সদস্যগণের মধ্য হ'তে বিজ্ঞ ও যোগ্য একজনকে ‘কেন্দ্রীয় সাধারণ সম্পাদক’ মনোনয়ন দিবেন।
- (৪) মজলিসে শূরা : আমীরে জামা‘আত কেন্দ্রীয় প্রধান উপদেষ্টা ও সাধারণ সম্পাদকের সাথে পরামর্শক্রমে ‘কেন্দ্রীয় পরিষদ সদস্য’গণের মধ্য হ'তে ‘মজলিসে শূরা’ গঠন করবেন।
- (৫) মজলিসে আমেলা : আমীরে জামা‘আত কেন্দ্রীয় প্রধান উপদেষ্টা ও সাধারণ সম্পাদকের সাথে পরামর্শক্রমে ‘মজলিসে আমেলা’ মনোনয়ন দিবেন। এ ব্যাপারে তিনি প্রয়োজনবোধে পৃথক পৃথকভাবে শূরা সদস্যদের পরামর্শ গ্রহণ করবেন। অতঃপর তাঁর সিদ্ধান্তস্থ চূড়ান্ত হিসাবে গৃহীত হবে।

- (৬) **কেন্দ্রীয় উপদেষ্টা পরিষদ :** আমীরে জামা'আত মজলিসে আমেলার সাথে পরামর্শক্রমে 'কেন্দ্রীয় পরিষদ সদস্য'গণের মধ্য হ'তে যোগ্য, অভিজ্ঞ ও দূরদর্শী অনধিক ৭ (সাত) জনকে 'কেন্দ্রীয় উপদেষ্টা' মনোনীত করবেন। তিনি আবশ্যিক বিবেচনা করলে 'কেন্দ্রীয় পরিষদ সদস্য' নন, কিন্তু সংগঠন বিষয়ে আন্তরিক, সচেতন ও যোগ্য এক বা দু'জন ব্যক্তিকে কেন্দ্রীয় উপদেষ্টা পরিষদের সদস্য মনোনীত করতে পারবেন।
- (৭) **উপদেষ্টা পরিষদ :** যেলা সভাপতি স্বীয় কর্মপরিষদের সাথে পরামর্শক্রমে 'কেন্দ্রীয় পরিষদ' অথবা 'সাধারণ পরিষদ' সদস্যগণের মধ্য হ'তে যোগ্য, অভিজ্ঞ ও দূরদর্শী সর্বোচ্চ ৭ (সাত) সদস্য বিশিষ্ট 'যেলা উপদেষ্টা পরিষদ' এবং অধঃস্তন কর্মপরিষদগুলির সাথে পরামর্শক্রমে সংশ্লিষ্ট স্তর সমূহে একইভাবে সর্বোচ্চ ৭ (সাত) সদস্য বিশিষ্ট 'উপদেষ্টা পরিষদ' প্রস্তাব করবেন। যা আমীরে জামা'আত 'মজলিসে আমেলা'র সাথে পরামর্শক্রমে মনোনয়ন দিবেন।
- (৮) **শাখা, এলাকা, উপযোলা ও যেলা কর্মপরিষদ নির্বাচন ধারা ৮/১, ২, ৩ ও ৪ অনুযায়ী হবে।**
- (৯) **সকল স্তরে দায়িত্বশীল মনোনয়নে ধারা-৭ -এর তুলনামূলক উচ্চ স্তরের প্রতি দৃষ্টি রাখা বাস্তুনীয়।**

ধারা-১৬ : দায়িত্বশীলের গুণাবলী

- (১) আল্লাহভারূতা (২) ফরয ও সুন্নাত সমূহের নিয়মিত পাবন্দী (৩) ইমারতের প্রতি আনুগত্য (৪) পদের প্রতি লোভহীনতা (৫) দায়িত্ব সচেতনতা (৬) সততা ও যোগ্যতা (৭) আমানতদারী (৮) হালাল ঝুঁটী (৯) ইসলামী পরিবার ও (১০) সংগঠনের জন্য ত্যাগ স্বীকারের মানসিকতা।

ধারা-১৭ : দায়িত্বের মেয়াদ

- (ক) 'আমীরে জামা'আত' যতদিন পর্যন্ত শরী'আতের উপর কায়েম থেকে গঠনতত্ত্ব অনুযায়ী আন্দোলনের দায়িত্ব পালন করবেন, ততদিন তিনি 'আমীর' হিসাবে নিযুক্ত থাকবেন। যোগ্য নেতৃত্ব সৃষ্টির লক্ষ্যে সংগঠনের অন্য সকল স্তর ২ (দুই) বছর পর পর নেতৃত্ব পুনর্গঠন করা হবে।
- (খ) সকল স্তরের উপদেষ্টাগণের মেয়াদ ২ (দুই) বছর হবে।

ধারা-১৮ : আমীর ও অন্যান্যদের অব্যাহতি

- (১) আমীরের জামা‘আত-এর মধ্যে ‘প্রকাশ্য কুফরী’ প্রমাণিত হ’লে যেকোন সময় ‘ইমারত’ বাতিল হবে এবং শূরার প্রস্তাবক্রমে ‘কেন্দ্রীয় পরিষদ সভা’ তদন্তে নতুন ‘আমীর’ নির্বাচন করবে। তাঁর মধ্যে ‘অপসন্দনীয়’ কিছু দেখা গেলে ছবর করবে’ (বুখারী হা/৭০৫৪; মুসলিম হা/১৮৪৯; মিশকাত হা/৩৬৬৮)। তাঁকে উত্তম পরামর্শ দিবে ও আস্তরিকভাবে সহযোগিতা করবে। কোনকিছু ভুলে গেলে শ্রদ্ধার সাথে স্মরণ করিয়ে দিবে’ (আবুদাউদ হা/২৯৩২; মিশকাত হা/৩৭০৭)।
- (২) এ সংগঠনে পদপ্রার্থনা বা পদত্যাগের কোন সুযোগ নেই। সংগঠনের ক্ষুদ্রাতিক্ষুদ্র দায়িত্ব পালনকেও প্রত্যেক কর্মী তার পরিকালীন নাজাতের অসীলা মনে করে। তাই ইমারত-এর পক্ষ থেকে দায়িত্ব ফিরিয়ে না নেওয়া পর্যন্ত যথাযথভাবে দায়িত্ব পালন করে যাওয়া সকলের জন্য একান্ত ভাবেই কর্তব্য। কিন্তু এতদসত্ত্বেও যদি কারু কর্মকাণ্ডে নিম্নোক্ত বিষয়গুলি প্রতিভাত হয়, তবে তিনি নিম্নোক্তভাবে অব্যাহতি প্রাপ্ত হবেন। যেমন-
- (ক) যেকোন পর্যায়ের যেকোন দায়িত্বশীল গঠনতত্ত্ব বিরোধী কাজ করলে
 - (খ) দায়িত্ব পালনে উদাসীন, অনাগ্রহী বা অযোগ্য বিবেচিত হ’লে (গ) তার কর্মকাণ্ড ধারা-১৬-এর বিরোধী বলে পরিলক্ষিত হ’লে আজ্ঞাপক্ষ সমর্থনের সুযোগ দান সাপেক্ষে মজলিসে আমেলার পরামর্শক্রমে আমীরের জামা‘আত যেকোন সময় তাকে অব্যাহতি প্রদান করবেন অথবা সাংগঠনিক মান উচ্চস্তর থেকে প্রাথমিক স্তরে নামিয়ে দিবেন (ঘ) আচরণগতভাবে বায়‘আত ভঙ্গকারী হিসাবে প্রমাণিত হ’লে আমীরের জামা‘আতের অনুমোদনক্রমে তিনি অব্যাহতিপ্রাপ্ত বলে গণ্য হবেন। (ঙ) কেউ পরপর তিনটি দায়িত্বশীল বৈঠকে বিনা অনুমতিতে অনুপস্থিত থাকলে, সভাপতি বা সাধারণ সম্পাদক নিজে অথবা আমীরের জামা‘আতের প্রতিনিধি তার সাথে সরাসরি যোগাযোগ করবেন ও তার বিষয়টি পুরোপুরি অবগত হবেন। অতঃপর সংশোধনের সকল প্রচেষ্টা ব্যর্থ হ’লে কর্মপরিষদ বা মজলিসে আমেলার পরামর্শক্রমে তাকে দায়িত্ব হ’তে অব্যাহতি দেওয়া হবে। তবে সংগঠন হ’তে অব্যাহতির জন্য আমীরের জামা‘আতের অনুমোদন প্রয়োজন হবে।

- (৩) অব্যাহতিপ্রাপ্তি কোন ব্যক্তি ফিরে আসতে চাইলে তিনি আমীরে জামা‘আত’ বরাবর নিজের ভুল স্বীকার করে লিখিত আবেদন করবেন। অতঃপর মজলিসে আমেলার পরামর্শক্রমে আমীরে জামা‘আত’ উক্ত দরখাস্ত মন্তব্যের করলে তিনি প্রথমে আমীরে জামা‘আতের নিকট আনুগত্যের বায‘আত’ গ্রহণ করবেন। অতঃপর ‘প্রাথমিক সদস্য’ ফরম পূরণ করবেন।

ধারা-১৯ : আপোষ মীমাংসা

- (১) মজলিসে আমেলা বা মজলিসে শূরা-র সদস্যগণের বিরুদ্ধে কোন অভিযোগ উত্থাপিত হ’লে ‘আমীরে জামা‘আত’ স্বীয় প্রতিনিধির মাধ্যমে অথবা ‘আমেলা’র পরামর্শক্রমে ফায়ছালা করবেন।
- (২) যেলা সভাপতি, সহ-সভাপতি ও সাধারণ সম্পাদকগণের বিরুদ্ধে কোন অভিযোগ উত্থাপিত হ’লে ‘আমীরে জামা‘আত’ বিষয়টি ‘আমেলা’র পরামর্শক্রমে নিষ্পত্তি করবেন।
- (৩) অধৃতন সংগঠনের সভাপতি, সহ-সভাপতি ও সাধারণ সম্পাদকগণের বিরুদ্ধে কোন অভিযোগ উত্থাপিত হ’লে সংশ্লিষ্ট যেলা সভাপতি স্বীয় কর্মপরিষদের সাথে পরামর্শক্রমে বিষয়টি সুরাহা করবেন।
- (৪) যেলা সহ অধৃতন সংগঠনের অন্যান্য কর্মপরিষদ সদস্য অথবা সংগঠনের যেকোন স্তরের যেকোন সদস্যের বিরুদ্ধে সাংগঠনিক কোন অভিযোগ উত্থাপিত হ’লে সংশ্লিষ্ট সভাপতি স্বীয় কর্মপরিষদের সাথে পরামর্শক্রমে বিষয়টির নিষ্পত্তি করবেন। অন্যথায় উত্তর্তন সংগঠনের শরণাপন্ন হবেন। সবশেষে যেলা উপদেষ্টা পরিষদের সাথে পরামর্শক্রমে যেলা সভাপতির সিদ্ধান্তই চূড়ান্ত হবে।

অষ্টম অধ্যায়

ধারা-২০ : অর্থব্যবস্থা

(ক) আয় :

- (১) সকল পর্যায়ের সদস্য, সুধী ও শুভাকাঙ্ক্ষীদের এককালীন ও নিয়মিত এয়ানত ‘জেনারেল ফাণ্ড’ এবং ওশর, যাকাত, ফিৎরা, কুরবানী ও অন্যান্য দান-ছাদাক্ত ‘বায়তুল মাল ফাণ্ড’ জমা হবে। সকল প্রকার দান কেন্দ্রীয় রসিদে আদায় হবে।

(২) সংগঠনের নিজস্ব প্রকাশনী হ'তে আয় এবং অন্যান্য আয়।

(৩) (ক) শাখা তার মোট আয়ের সিকি রেখে বাকী তিন অংশ এলাকাকে দিবে। এলাকা তার মোট আয়ের তিনের এক অংশ রেখে বাকী দুই অংশ উপযোলাকে দিবে। উপযোলা তার মোট আয়ের তিনের এক অংশ রেখে বাকী দুই অংশ যেলাকে দিবে। যেলা তার মোট আয়ের অর্ধেক রেখে বাকী অর্ধেক কেন্দ্রকে দিবে অথবা উর্ধ্বতন সংগঠন কর্তৃক নির্ধারিত কোটা পরিশোধ করবে। (খ) কেন্দ্রীয়ভাবে সংগৃহীত কোন ব্যাপক আদায় যেমন বার্ষিক কেন্দ্রীয় তাবলীগী ইজতেমার আদায় বা বন্যাত্রাণ ও অন্যকোন ব্যাপক আদায় পুরোটাই কেন্দ্রীয় তহবিলে জমা হবে। (গ) স্থানীয় কোন ভ্রাণ্ণ ও সেবামূলক আদায়, সেমিনার, সুধী সমাবেশ, বার্ষিক সম্মেলন বা জালসার আদায় ইত্যাদি খাত-এর পুরোটাই স্ব স্ব স্তরের সংগঠন পাবে। তবে কেন্দ্রীয় সংগঠনের নিকট তার হিসাব প্রেরণ করবে।

(৪) কেন্দ্রীয় সাধারণ সম্পাদক ও অর্থ সম্পাদক সহ ৩ (তিনি) জন কেন্দ্রের এবং সভাপতি ও অর্থ সম্পাদক সহ ৩ (তিনি) জন অধঃস্তন সংগঠনের ব্যাংক হিসাব যৌথভাবে পরিচালনা করবেন। যেকোন দু'জনের স্বাক্ষরে হিসাব পরিচালিত হবে।

(৫) প্রতি রামায়ান ও যিলহাজ্জ মাসে নিয়মিত এয়ানত ছাড়াও সংগঠনকে ‘বিশেষ দান’ ও ‘এককালীন দান’ প্রদান করবে।

(৬) শাখা ৫০০/=, এলাকা ১০০০/=, উপযোলা ১৫০০/=, যেলা ২০০০/= ও কেন্দ্র ১০,০০০/= টাকার বেশী একত্রে হ্যাণ্ড ক্যাশ রাখতে পারবে না। এর বেশী উত্তোলন ও ক্যাশ রাখতে চাইলে স্ব স্ব কর্মপরিষদের ও মজলিসে আমেলার অনুমোদন নিতে হবে।

(খ) ব্যয় :

(১) সংশ্লিষ্ট কর্মপরিষদ ও মজলিসে আমেলা-র অনুমোদন সাপেক্ষে আন্দোলন ও সংগঠনের সার্বিক স্বার্থে আদায়কৃত অর্থ ব্যয় হবে।

(২) অধঃস্তন সংগঠন উর্ধ্বতন সংগঠনের দায়িত্বশীলগণের সাংগঠনিক সফরের ব্যয়ভার বহন করবে।

নবম অধ্যায়

ধারা-২১ : গঠনতত্ত্ব সংশোধন

‘মজলিসে আমেলা’-র প্রস্তাবক্রমে ‘মজলিসে শূরা’ গঠনতত্ত্বে সংশোধনী বা পরিবর্তন আনতে পারবে। তবে কোন অবস্থাতেই ধারা- ৩, ৪, ৫, ১৫ (১ ও ২) এবং ১৮ (১)-য়ে কোনরূপ সংশোধনী বা পরিবর্তন আনা যাবে না।

দশম অধ্যায়

ধারা-২২ : বিবিধ

(১) প্রতিবছর সেপ্টেম্বর মাস হ'তে সাংগঠনিক বছর শুরু হবে। প্রতি সেশনের মেয়াদ দু'বছর হবে।

(২) প্রতিবছর আগষ্ট মাসের শেষ সপ্তাহে ‘কেন্দ্রীয় পরিষদ সদস্য’ সম্মেলনে বার্ষিক আয়-ব্যয়ের অডিটকৃত হিসাব সহ সংগঠনের সার্বিক রিপোর্ট পেশ করতে হবে।

(৩) প্রতিবছর আগষ্ট মাসের শেষ সপ্তাহে বার্ষিক কর্মী সম্মেলন ও প্রশিক্ষণ অনুষ্ঠিত হবে। যেখানে সকল স্তরের উপদেষ্টা পরিষদ, কর্মপরিষদ, সাধারণ পরিষদ ও কেন্দ্রীয় পরিষদ সদস্যগণ যোগদান করবেন।

(৪) প্রতি দু'বছর অন্তর আগস্টের শেষ সপ্তাহে কেন্দ্রীয় শূরা, আমেলা ও যেলা সমূহের সভাপতি, সহ-সভাপতি ও সাধারণ সম্পাদকগণ মনোনীত হবেন এবং তার ৪৫ (পঁয়তালিশ) দিনের মধ্যে সকল যেলার সম্পাদকমণ্ডলীর মনোনয়ন সম্পন্ন হবে।

ধারা-২৩ : পরিশিষ্ট :

বায়‘আত ও শপথ : [আমীরে জামা‘আত বায়‘আত গ্রহণ করবেন এবং সভাপতিগণ স্ব স্ব কর্মপরিষদের শপথ নিবেন।]

(ক) আমীরের শপথ : আমীর নিযুক্ত হওয়ার পর তিনি কেন্দ্রীয় প্রধান উপদেষ্টার নিকট শপথ গ্রহণ করবেন।

(খ) ইমারত-এর নিকট বায়‘আত :

(১) আমীরে জামা‘আত-এর নিকট বায়‘আত গ্রহণের মাধ্যমে সাধারণ পরিষদ সদস্য, কেন্দ্রীয় পরিষদ সদস্য, মজলিসে আমেলা, মজলিসে

শূরা, যেলা সভাপতি, সহ-সভাপতি ও সাধারণ সম্পাদকগণ মনোনয়ন প্রাপ্ত হবেন।

(২) যেলা কর্মপরিষদের অন্যান্য সম্পাদক, উপযেলা কর্মপরিষদ, এলাকা কর্মপরিষদ ও শাখা কর্মপরিষদ সদস্যগণ সংশ্লিষ্ট যেলা সভাপতির নিকটে শপথ গ্রহণ করবেন।

(৩) পুরুষের জন্য আমীরের হাতে হাত রেখে বায়‘আত করাই সুন্নাত। মহিলাগণ কেবল মুখে উচ্চারণ করবেন। আমীরে জামা‘আতের অনুমতিক্রমে তাঁর পক্ষে বায়‘আত নেওয়া যাবে। ক্ষেত্রবিশেষে বায়‘আতের পদ্ধতির পরিবর্তন হ’তে পারে।

[বায়‘আতের পূর্বে নিম্নের আয়াতটি অনুবাদসহ শুনাবেন।]-

أَعُوذُ بِاللَّهِ مِنَ الشَّيْطَانِ الرَّجِيمِ، بِسْمِ اللَّهِ الرَّحْمَنِ الرَّحِيمِ-

إِنَّ الَّذِينَ يُبَايِعُونَكَ إِنَّمَا يُبَايِعُونَ اللَّهَ، يَدُ اللَّهِ فَوْقَ أَيْدِيهِمْ، فَمَنْ تَكَثَّفَ فَإِنَّمَا يَنْكُثُ عَلَى نَفْسِهِ وَمَنْ أَوْفَى بِمَا عَاهَدَ عَلَيْهِ اللَّهُ فَسَيُؤْتِيهِ أَجْرًا عَظِيمًا - (الفتح ১০) -

অর্থ : ‘নিশ্চয়ই যারা তোমার নিকটে আনুগত্যের বায়‘আত করল, তারা আল্লাহর নিকটেই বায়‘আত করল। আল্লাহর হাত তাদের হাতের উপরে রয়েছে। অতঃপর যে ব্যক্তি বায়‘আত ভঙ্গ করে, সে নিজের ক্ষতির জন্যই সেটা করে। কিন্তু যে ব্যক্তি আল্লাহর সাথে কৃত অঙ্গীকার পূর্ণ করে, আল্লাহ শীঘ্র তাকে মহা পুরস্কারে ভূষিত করবেন’ (সূরা ফাতেহ ১০ আয়াত)।

(ক) তওবা ও ইঙ্গিফার :

أَسْتَغْفِرُ اللَّهَ الَّذِي لَا إِلَهَ إِلَّا هُوَ الْحَقُّ الْقَيُومُ وَأَتُوْبُ إِلَيْهِ-

অর্থ : ‘আমি আল্লাহর নিকটে ক্ষমা প্রার্থনা করছি, যিনি ব্যতীত কোন উপাস্য নেই। যিনি চিরঞ্জীব ও বিশ্ব চরাচরের ধারক। আর আমি তাঁর দিকেই ফিরে যাচ্ছি বা তওবা করছি’ (তিরমিয়ী হা/৩৫৭৭, আবুদাউদ হা/১৫১৭, মিশকাত হা/২৩৫৩ দো‘আ সমূহ’ অধ্যায় ‘তওবা ও ইঙ্গিফার’ অনুচ্ছেদ)।

(খ) বায়'আত :

- (১) আমি (প্রত্যেকে নিজের নাম বলবেন) আল্লাহ রববুল 'আলামীনকে সাক্ষী রেখে মুহতারাম আমীরে জামা'আতের নিকটে এই মর্মে বায়'আত করছি যে, আমি ইসলামের যাবতীয় ফরয ও সুন্নাত সমূহ পালন করব এবং পবিত্র কুরআন ও ছহীহ হাদীছ অনুযায়ী নিজের ব্যক্তিগত, পারিবারিক ও সামাজিক জীবন গড়ে তুলতে সচেষ্ট থাকব ।
- (২) আমি যাবতীয় হারাম ও কবীরা গোনাহ হ'তে বিরত থাকব এবং সর্বদা হালাল রুয়ী গ্রহণে তৎপর থাকব ।
- (৩) আমি মুহতারাম আমীরে জামা'আতের নেতৃত্বে জামা'আতবদ্ধ জীবন যাপন করব ।

হে আল্লাহ! তুমি আমাকে উক্ত বায়'আত ও অঙ্গীকার পালনের তাওফীক দাও! আমীন!!

২. দায়িত্বশীলগণের শপথ :

[প্রথমে নিম্নোক্ত আয়াত ও হাদীছটি অনুবাদসহ শুনাবেন ।]

أَعُوذُ بِاللَّهِ مِنَ الشَّيْطَانِ الرَّجِيمِ ، بِسْمِ اللَّهِ الرَّحْمَنِ الرَّحِيمِ
وَأَوْفُوا بِالْعَهْدِ إِنَّ الْعَهْدَ كَانَ مَسْوُلًا - (إِسْرَاءٌ ٣٤)

অর্থ : 'তোমরা অঙ্গীকার পূর্ণ কর । নিশ্চয়ই অঙ্গীকার সম্পর্কে (ক্রিয়ামতের দিন) তোমরা জিজ্ঞাসিত হবে' (বনু ইস্রাইল ৩৪) ।

❑ রাসূলুল্লাহ (ছাঃ) এরশাদ করেন,

أَلَا كُلُّكُمْ رَاعٍ وَكُلُّكُمْ مَسْؤُلٌ عَنْ رَعْيِهِ، مُتَّفَقٌ عَلَيْهِ

অর্থ : 'মনে রেখ তোমরা প্রত্যেকে দায়িত্বশীল এবং প্রত্যেকেই স্ব স্ব দায়িত্ব সম্পর্কে জিজ্ঞাসিত হবে' (বুখারী হ/৭১৩৮; মুসলিম হ/১৮২৯; মিশকাত হ/৩৬৮৫) ।

(ক) তওবা ও ইস্তেগ্ফার :

أَسْتَغْفِرُ اللَّهَ الَّذِي لَا إِلَهَ إِلَّا هُوَ الْحَقُّ الْقَيُومُ وَأَتُوْبُ إِلَيْهِ

অর্থ : 'আমি আল্লাহর নিকটে ক্ষমা প্রার্থনা করছি, যিনি ব্যতীত কোন উপাস্য নেই । যিনি চিরঙ্গীব ও বিশ্ব চরাচরের ধারক । আর আমি তাঁর দিকেই ফিরে

যাচ্ছি বা তওবা করছি' (তিরমিয়ী হা/৩৫৭৭; আরুদাউদ হা/১৫১৭; মিশকাত হা/২৩৫৩ 'দো'আ সমূহ' অধ্যায় 'তাওবা ও ইস্তিগফার' অনুচ্ছেদ)।

(গ) শপথ : (শপথের সময় দায়িত্বশীল তার নাম ও দায়িত্ব উল্লেখ করবেন)।

(১) আমি আল্লাহ রববুল 'আলামীনকে সাক্ষী রেখে এই মর্মে শপথ করছি যে, আমি 'আহলেহাদীছ আন্দোলন বাংলাদেশ'-এর গঠনতত্ত্ব পুরাপুরি মেনে চলব এবং তার ভিত্তিতে সংগঠনের মূল উদ্দেশ্য হাতিল ও কর্মসূচীর বাস্ত বায়নকেই আমার প্রধান কর্তব্য বলে মনে করব।

(২) আমি আমার উপরে ন্যস্ত সংগঠনের দায়িত্ব ও আমানত বিশ্বস্ততার সাথে রক্ষা করব।

(৩) আমি পরামর্শের গোপনীয়তা এবং সংগঠনের সার্বিক স্বার্থ ও মর্যাদা পূর্ণভাবে সংরক্ষণ ও সর্বোত্তম শৃঙ্খলা বিধানের যথাসাধ্য চেষ্টা করব।

(৪) আমাকে অব্যাহতি দেওয়া হ'লে বা আমার উপরে অন্যকে অগ্রাধিকার দেওয়া হ'লে আমি তাকে হাসিমুখে মেনে নেব এবং কোন অবস্থাতেই আমি নেতৃত্ব নিয়ে ঝগড়া করব না।

হে আল্লাহ! তুমি আমাকে উক্ত শপথ ও অঙ্গীকার পালনের তাওফীক দাও! আমীন!!

[এই সাথে সংগ্রহ করুন 'কর্মপদ্ধতি' 'ইহতিসাব' এবং 'আহলেহাদীছ আন্দোলন বাংলাদেশ' কি চায়, কেন চায় ও কিভাবে চায়?]

৪৯৪

سْبَحَانَكَ اللَّهُمَّ وَبِحَمْدِكَ أَشْهَدُ أَنْ لَا إِلَهَ إِلَّا أَنْتَ اسْتَغْفِرُكَ وَأَتُوبُ إِلَيْكَ

اللَّهُمَّ اغْفِرْ لِي وَلِوَالِدِي وَلِلْمُؤْمِنِينَ يَوْمَ الْحِسَابِ -

মানুষের সার্বিক জীবনকে পরিত্র কুরআন ও ছহীহ হাদীছের আলোকে পরিচালনার গভীর প্রেরণাই হ'ল আহলেহাদীছ আন্দোলনের নৈতিক ভিত্তি। পরকালীন মুক্তির চেতনার উপরেই এই ভিত্তি স্থাপিত।